



KOMUNIKADO PA PRENSA

Fecha

04 di yüli 2018

Persona di kontakto

Jhanirha Da Costa Gomez-Anita

Email

jhanirha.anita@gobiernu.cw

E siman aki ta kuminsá ku trabounan di mantenshon na Plenchi di Tráfiko “Yubi Kirindongo”, na Zegu.

Willemstad - Minister di Tráfiko, Transporte i Planifikashon Urbano Zita Jesus Leito enkargá ku Servisio pa Obra Públiko (OW) ta anunsiá ku e siman aki ta kuminsá ku trabounan di mantenshon na e Plenchi di Tráfiko “Yubi Kirindongo” na Zegu.

E trabounan ta enserá limpiamentu di e plenchi, drecha bòrchinan i pinta e kaminda di nobo pa kambionan ku lo bini na e sitio. E kambionan lo ta pa mas seguridat den tráfiko. Na momentu ku finalisá e trabounan, e liñanan riba kaminda lo mustra bon kla kua ta e kambionan ku a introdusí den e plenchi pa e usuario.

Na momento ku trabounan ta tumando lugá lo tin sierto desviashon den e tráfiko i p’esei OW ta pidi automobilistanan pa tene bon kuenta ku esaki. Sigui e bòrchinan di indikashon i kore ku koutela. E trabounan lo tin un durashon di mas o ménos un siman.

Despues lo sigui mas informashon di parti di OW tokante desaroyo di e trabounan i e kambionan ku a surgi. OW ta gradisí pa e kompreshon i ta pidi su diskulpa pa kualke inkumbinensia ku esaki por a kousa.